



provediment d'aua

MEDEL/LUCMAGN



Reglament da taxas

2020

I. Taxa d'aua da stizzar

Art. 1

Calculaziun e taxaziun

- a) La taxa d'aua da stizzar semesira tenor la valeta nova dil schazetg annual dall'Assicuranza d'edificis dil Grischun (GVG) e vegn quintada per tuts baghetgs ella zona da baghegiar. Medemamein era per tuts baghetgs ord zona da baghegiar ch'ei egl intschess d'in hidrant.
- b) La taxa minimala d'aua da stizzar munta a frs. 20.00.

La taxa d'aua da stizzar vegn quintada sco suonda:

**Formula: Valeta nova dil schazetg annual
dall'Assicuranza d'edificis dil Grischun x
tariffa da promil = taxa aua da stizzar**

Tuttas classas d'object: 0.2‰

Art. 2

Scadenza e Retratga

- a) La taxa annuala d'aua da stizzar vegn incassada ella secunda mesadad digl onn current.
- b) La taxa d'aua da stizzar ei da pagar enteifer 30 dis suenter la remessa dil quen. Per pagaments retardai vegn quintau in tscheins da retard tenor las quotas cantunales valeivlas.
- c) Obligai da pagar las taxas ein las personas impurtadas el register funsil il mument dalla facturaziun. Tier relaziuns da possess cumineivel ein ils proprietaris dils beins immobiliars, tier relaziuns da cumproprietad ils singuls cumproprietaris respectiv ils proprietaris en condomini obligai da pagar la taxa. Tier relaziuns en dretg da construcziun ei quellas personas che han il dretg da baghegiar obligadas da pagar la taxa.

II. Taxas da diever

Art. 3

- a) Tuts proprietaris d'objects ch'ein colligai als stabiliments publics dil Provediment d'aua pagan annualmein ina taxa da diever.
- b) La classa d'objects fuorma la basa per la calculaziun dalla taxa da diever. La taxa da diever vegn incassada en fuorma d'ina pauschala tenor classa d'object. La radunonza generala fixescha las tariffas per las classas d'objects.

Taxas da diever

Art.. 4

Classa d'object 1

Edifecis cun in pign consum d'aua; sco administraziuns, biros, edificis da commerci (pasternarias, fatschentas da coiffeur, scrinarias, luvratoris, mazzlerias pintgas, cascharias pintgas e.a.v.), edificis publics da sport, stizuns senza uustria, casas da scola, baselgia S. Martin, baselgia S.Clau, santeri, baghetgs d'economia.

Classa d'objects

Classa d'object 2

Edifecis cun in consum d'aua mesaun; sco casas da habitar (per habitaziun), habitaziuns da vacanzas etc.

Classa d'object 3

Edifecis cun in grond consum d'aua; sco interpresas da loschament (hotels, pensiuns, ustrias, e.a.v.), cascharia, mazlarias, menaschis da garascha, edificis industrials.

Classa d'object 4

Edifecis ed objects specials, vegnan fixai dalla suprastonza dil Provediment d'aua Medel/Lucmagn.

Art. 5

Scadenza e retratga

- a) La taxa da diever annuala vegn incassada ella secunda mesadad digl onn current.
- b) La taxa da diever ei da pagar enteifer 30 dis suenter la remessa dil quen. Per pagaments retardai vegn quintau in tscheins da retard tenor las quotas cantunalas valeivlas.
- c) Obligai da pagar las taxas ein las persunas impurtadas el register fonsil il mument dalla facturaziun. Tier relaziuns da possess cumineivel ein ils proprietaris dils beins immobiliars, tier relaziuns da cumproprietad ils singuls cumproprietaris respectiv ils proprietaris en condomini obligai da pagar la taxa. Tier relaziuns en dretg da construcziun ei quellas persunas che han il dretg da baghegiar obligadas da pagar la taxa

III. Mieds legals

Art. 6

Recuors

- a) Recuors encunter ils quens da taxas ein d'inoltar a scret cun argumentaziun enteifer 10 dis alla suprastonza dil Provediment d'aua.
- b) La suprastonza dil Provediment d'aua examinescha il recuors e fixescha la summa dalla taxa debitada en ina disposiziun cun indicar ils mieds legals.

IV. Disposiziuns executivas e determinaziuns finalas

Art. 7

Entrada en vigur Quest reglament entra en vigur cun sia approvaziun alla radunonza generala dil Provediment d'aua Medel/Lucmagn dils 6 da mars 2020.
El remplazza tut ils auters reglaments da taxas.

Per il Provediment d'aua Medel/Lucmagn

Il president:

Alfons Venzin

Igl actuar:

Otmar Venzin